

Gvangjsih Minzcz Bau

ganhhau: CN45-0036 B.2013 Nd.6 Ng.5 liggaueq gveiqceih nienz ndwenseiq ngeihcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3076期

Lungzcouh Vatgud Hungzyangz Vwnzva Minzcz Cwngzyau Yienhda

龙州县大力挖掘弘扬民族文化成效显著

Gaenh bi daeuj, Lungzcouh Yen gyadaih ligdoh vatgud、henhoh nem swnjcienz vwnzva minzcz, cizgiz beizyangj nem dajcaux binjbaiz vwnzva minzcz, aeundaej cwngzyau yienhda.

It dwg dajcaux Denhginz yisuz vwnzva binjbaiz, beizyangj daihlaeng rox Denhginz. Laeb “Denhginz lwgmbwk danz ciengq cujhoz”, dawz Denhginz yisuz buen hwnj vujdaiz, ndaej cingj bae ndaw guet rog guet yienjok nem doxdax 80 lai ciengz, 3 baez hwnj Cunghyangh Densidaiz Vanjei. Doengzseiz, haeusim bangfuz yenzswngghdai Denhginz yezyiz vwnzyidui, dangqnaj gungh bangfuz 17 aen.

Ngeih dwg swnjcienz nem fazcanj hawfwen Bouxcuengh dangdieg. Cizgiz dazyinx ginzcung, guh ndei hong haifat henhoh hawfwen Bouxcuengh. Dangqnaj, daengx yienh miz 53 aen ciet hawfwen Bouxcuengh, ndawde 11 aen ciet hawfwen cawzliux

miz doiq fwen, lij miz Caijdih、sailungz、ciengj bauqva hozdung dem.

Sam dwg gyagiengz vwnzva yizcanj henhoh nem sinhbau. Cawzliux sinhbau ndaej Denhginz、fwen nem bouxswnjcienz Denhginz 3 hangh swcigih gaep feihvuzciz vwnzva yizcanj, gunghyi conzdungj、ndangdaenj、gojgaeq ndawbiengz daengj 22 hangh feihvuzciz vwnzva yizcanj hix ndaej geiq hwnjdaej.

Seiq dwg “sinhvwnz Vahcuengh” cezmu, gaihcanj Cuengh Gun song vah saw sonhag mozi. 2007 nienz daej, ndaw yienh densidaiz haibo “sinhvwnz Vahcuengh” cezmu, neiyungz lai cungj lai yiengh. 2009 nienz, ndaw yienh Vujdwz Yangh Cungsim Siujyoz cingqsik hai Vahcuengh nem Vahcuengh suenqsoq daengj gohmuz. Linghvaih, Lungzcouh Yen Minzcz Cunghyoz youq sonhag ndawde gaihcanj Cuengh Gun song vah saw sonhag mozi; hai Denhginz yisuz hingcibanh、Fwen-

cuengh hingcibanh, caemhcai qizgiz gaihcanj haizgieg、maxgyaek、lwggyangq、bau aendomq daengj minzcz conzdungj diyyuz hanghmoeg.

Dangqnaj, aen yienh neix vwnzva hawfwen Bouxcuengh moix bi ciuyinx le ndaw guet rog guet haujai conghyah、yozcej daeuj gaucaz ngonzyawj, yingyangj gig hung; vwnzva Sawndip hen ndaej ndei, Ginhlungz Cin dwg dieg daiyauj Sawndip baihnanz gih raeuz; Denhginz vwnzva mingz riuz lajmbwn, gaeng baenz cungj byauhsiz minzcz nem vwnzva Lungzcouh、Cungzcoj nem Gvangsiah. 2007 nienz, aen yienh neix ndaej heuhguh “Cunghgoz aen mbanj Denhginz”; 2008 nienz, ndaej heuhguh “Cunghgoz vwnzva ndawbiengz lijyouz sifangih”; bineix 3 nyied, ndaej Swcigih Vwnzva Dingh heuhguh “Gvangsiah aen mbanj yisuz ndawbiengz”.

(Lij Daz)

SIUSIK DINJ

简讯

● 5 nyied 24 hau, Liujcouh Gohgi' gvanj、Yungzsuij Myauzcz Swciyen Gohgigiz nem Cinghsaunenz Hozdung Cungsim daengj danhvei lienzhab gawjbanh “2013 nienz daengx guet gohgi hozdung couh Yungzsuij hozdung gijdung yizsi nem Liujcouh Gohgi' gvanj haeuj Yungzsuij” hozdung, hozdung ndei yawj youh mizyinx, hawj gyoengqnyez Myauzcz angqyangz raixcaix.

(Liu Swjyenh)

● 5 nyied 24 hau, Denzlinz Yen Minzczgiz daengz ndaw yienh minzcz siujyoz gaihcanj “cauxguh minzcz doxgiet cinbu mozfangih” senhconz gyauyuz hozdung. Doenggvaq guh baez hozdung neix, bangcoengh hagseng laebhwnj gvanhnen “sam aen mbek mboujndaej”, cauxguh aen senhconz fwnveiz noengzna he.

(Denzlinz Minzczgiz)

● Gaenh bi daeuj, Yungzanh Yen Banlanj Cin doiok aen cosih moq cwngjufj mienxfei q yinx nungzminz okrog bae gaucaz, bienq dajndaem gezgou. Nungzminz dangdieg heuh cungj cosih neix guh “nungzyez gohgi yawj ngoenz he”. Daengz dangqnaj, aen cin neix gaeng miz gyawj 1000 boux nungzminz ndaej dang cungj “hekyouz” neix.

(Veiz Cujswz)

● 5 nyied 16 hau, vih guh ndei hong bangcoengh nungzminz souh'ik nem fuzbinz, caensim vih nungzminz fuzvu, Dunghlanz Yen Minzczgiz daengz gizdieg fuzbinz Sanhlung Yauzcz Yangh Swngghdung Cunh guh “soengq vafeiz roengz lajmbanj” hozdung, mienxfei soengq buet niusu he hawj gij ranz nungzminz gungzhoj.

(Lanz Dunghyin)

● Daj bineix daeuj, Lozyez Yen anbaiz 16 boux saujsu minzcz gohgiz lingjdauj bae Denzyangz Yen gvaciz beizyangj, caenh'itboush gya'gvangq lohnaemj guhhong、okmoq gunghcoz lijnen、gaijndei gunghcoz fuengsik.

(Yangz Swngciz)

“Aisinh” Hawj Lwngnyez Minzcz Angqgvaq Cietlwngnyez



“爱心”让苗山 儿童欢度“六一”

5 nyied 30 hau, doenghboux Sangsan Aisinh Gihginhvei veiyenz daiyauj bae Yungzsuij Myauzcz Swciyen Bwzyinz Yangh Linzcwngz Siujyoz, soengq daehsaw moq、saw、yijmauzgiuz、cagdiuq daengj doenghyiengh hawj 47 boux hagseng, caemhcai soengq habngaiz、bingzraemx daengj doenghyiengh hawj lwngnyez Myauzcz、Yauzcz. Neix hawj gyoengqde ndaej angqgvaq “roek it” cietlwngnyez. Ndaw doz dwg doenghboux aisinh soengq daehsaw daengj doxgaiq hawj lwgmbwk Yauzcz.

(Hoz Fuyungz ingj)

Liujcwngz: Makgam Canjyez Coicaenh Ginzcong Saujsu Minzcz Demsou

柳城:生态蜜桔产业促进少数民族群众增收

Gaenh bi daeuj, Liujcwngz Yen laeb “giyez + hozcozse + gihdi + nungzhoh” doxhab ginghyingz mozi, guhbaenz makgam canjyezlen, vih dieg saujsu minzcz nungzyez dem yauyiz、nungzminz demsou daezhawj aen canjyez baengh he, aeundaej cwngzyau yienhda.

Dangqnaj, aen yienh neix dwg ndaw guet aen canjgih cujyau swngghcanj makgam he (daengx guet

gungh miz sam aen), gij makgam aen yienh neix cujyau siu bae gij singz rog gih nem Dunghnanzya gozyah, ginghci yauyiz yienhda. Gungh laebbaenz lwgmak conhyez hozcozse 17 aen, laebguh makgam swngghcanj sifan gihdi 16 aen, hohsifan 128 hoh, menciz 6000 lai moux. Doenggvaq sifan daiqdoengh, bineix daengx yienh caiq ndaem makgam menciz 1.05 fanh moux, guj bineix

daengx yienh gungh ndaem makgam 21.2 fanh moux, canjlieng 22.5 fanh dun, canjci 7.3 ik maenz, dieg saujsu minzcz doenghgi ranz ndaem makgam haenz moix hoh demsou 4.7 fanh maenz. Makgam canjyez cug mbaek baenz cungj canjyez hung hawj aen yienh neix ginzcung saujsu minzcz ndaej demsou he.

(Veiz Ginzvah)